

甘肅青史略卷二二

清穆宗己巳同治八年春正月元日董志原賊酋王明章陷會甯縣城千總楊照

巷戰死

明章率馬步千餘人欲往河州道經會甯見城守無人潛登之城陷千總楊照率衆巷戰死縣令沈文仲逃入民堡內

案陝回被官軍擊敗董志原回匪據峽口將往金積堡投馬化龍官軍分隊進剿十八營并爲四大營保護峽口鎗重前行留崔偉馬正和等斷後王明章一股已逃之野馬矣而甘肅州縣城池因亂久乏糧無人防守被回逆偷陷如會甯者正復不少

案漢武帝析置安定郡

以高平爲治所即今鎮原縣境

領二十一縣其西則有

靖遠兩縣地盡祖厲二水發源會甯流至靖遠境入黃河會甯舊志謂在漢

爲枝陽攷枝水在今永登縣水出故永登亦稱枝陽北魏時爲會州地宋爲

甘泉堡

屬秦州

金置西甯縣真祐四年升州後廢

元爲會甯州明降縣清因之

屬鞏昌府

今仍舊

屬鞏昌府

山道

幕壽祺曰會甯未陷以前頗得力於民團無如富室大家出納之資餉械之不足足久矣或以土豪周某居城中雄於貴僉請其助餉若干以備不虞乃竟一毛不拔比登賊城願出重金募團爲自衛計倉卒間無一人應者嗟呼噬臍之痛何如斷腕之雄而事前則但惜貨財不惜身命者比比皆是也豈周某一人也哉

賊犯通渭馬家坪堡團首孫兆鳳率衆往援與董滿勤等皆戰死

是爲民族戰爭

撒拉回陷哈拉庫圖爾城丹噶爾鄉圍擊破之遂復其城

丹噶爾縣今青海湟源縣

穆圖善遣兵勦河州賊屢戰不利退至狄道賊乘之師潰

初官軍進營洮河西河回降皆厚賞以給之師

旋復叛官軍再剿西渡河直搗黑山頭賊壘太子寺賊截斷糧運官軍屢戰不利至是退保狄道軍糧匱乏牟佛提乘間復叛大破官軍潰兵退至秦州河州賊乘勝東向與陝賊

合遂攻陷秦安許家堡丁家店

河州賊攻陷秦安許家堡丁家店

進剿河州之大兵自狄道州潰奔至秦州有王喻彭敖張蘇魏洪霍龔周等十一軍自西三十鋪連營至

西關外河州賊乘勝向東所至與陝賊合遂攻陷秦州許家堡丁家店二月破州西橫河鎮任家堡朱家川關家店大灣里四月破州南韓家山堡五月破望天峽馬家店堡遂

破徽屬黑林溝苟家庄新店鎮火鑽鋪老鸛岩各堡而靜甯州土匪侯十亦重陷丁家店許家堡屠人如雞狗焉

二月賊破秦州西橫河鎮家堡朱家川關家店大里灣官軍以無命令故坐視其死而不救

官軍破陝回於正甯進拔董志原各逆巢賊分竄環縣及硝河城預望城等處

遂復慶陽鎮原等城

陝回十八大營原以董志原為老巢楊文治各股匪陸續竄赴金積堡謀與馬化龍通力合作其留董志原者見野無餘糧遂

傾巢東犯屯聚正甯南北及永興堡一帶提督雷正綰與劉倬雲馬德順李耀南各率馬步分路追剿賊敗潰官軍乘勝破馬蓮河焦村石杜蕭金鎮驛馬關三汶河董志鎮各賊巢遂駐軍董志原官軍星夜追及於黨家腰嶺路險溝深自相擁踐落澗者無數崔偉馬正和拒戰屢敗之大軍收復馬蓮河鎮原各城還軍蕭金鎮餘賊分兩路一竄環縣一自蒲

川河竄硝河城預望城走金積堡等處涇寧各屬肅清

募壽祺曰鎮原與慶陽鄰自陝回營集董志原致鎮原受連帶影響蕭鎮孟壩鎮尤為賊所往來之區時閱五年城凡七陷子遺周黎重見天日則諸軍克復力也涵養五十餘年元氣始稍稍恢復今又遭逢世亂被禍者不知其為匪為兵也蒼蒼者天吾欲搔首而問之

賊破禮縣橫河鎮各堡

賊五六千聚橫河鎮近鎮堡多攻破武生馬兆瑞增生一趙輯瑞率眾守禦賊發地雷陷其堡輯瑞率家殉難

河州賊圍通渭平垣堡

賊圍拓達舖之韓坪堡襲熱川貢生管楚率團往援殺賊數十賊怒釋圍合擊之遂敗績陣亡團丁三十餘人楚及許崇德許

遜三盧滿盧連
盈等皆戰死

三月黃鼎勦平鎮原安家山土匪

安家山在鎮原縣南川俗名安家踏山拒城二十里當是時土匪蜂起屢與官軍抗鼎率兵勦平之

鎮原縣始設官辦公

鎮原屢經匪患逃亡一空蜀軍統領道員用黃鼎搜勦涇陽零匪道經鎮原登城四顧絕無人煙慨然曰何蕭條一至此乎雖然是

不可以無官乃以隨員廖溥明權知縣事並呈報署總督穆圖善時衙署焚燬萬與城齊溥明僑居縣南里餘黃蛟岔民房廣張布告開始辦公招集流亡設法賑濟又爲之發牛隻散籽種設集市於桃園子於是荒殘者漸轉徙者來歸

募將祺曰同治回亂以來以書生出入行陣間而每戰必勝者黃鼎一人而已初攻盤黨於階州剛入於威戎終隨湘軍進征金積堡才既優也勳亦茂哉而其功之最著者長武原一戰舉陝回十八大營多年盤據之董志原一旦收爲國有隴東父老至今歌頌不忘及關隴肅清移防陝北竟遭暗殺噫何斯人而遇斯禍也可慨也夫

董志原賊竄侵河套蒙古七旗阿拉善親王住賀蘭山後定遠營遣佐領多爾

擊退之

陝回盤踞董志原之十八大營是年二月經官軍擊敗後併十八營爲四大營護其老弱縋重前行崔偉馬正和等賊斷後有一股竄環縣由環縣取道花馬

池至河套擾河東蒙古七旗殺掠甚慘遂由鄂爾多斯七旗擾掠烏拉特三旗又擾阿拉善阿拉善親王貢桑珠爾默特派佐領多爾泰蒙兵擊退賊復掠磴口竄至沙金托海

葛壽祺曰蒙古土公多矣阿拉善以聯姻帝室故待遇最優其牧地直占至甘州與額濟納互相銜接夫甘肅土曠人稀舉千餘里之地爲蒙古作牧場而文化永無輸入之期豈不可惜也哉

賊陷通渭馬坪堡董元泰巷戰死之

夏四月陝回復攻定遠營

定遠營於五年夏陝回喻彥祿等往攻不利賊知其無備且以其高也又往攻焉阿拉善親王令長史疊立閣爾大賴禦

之陣亡時嵩武軍統領張曜駐甯夏聞報會烏爾圖那遜率兵由賀蘭山往援賊遁

河州賊破通渭高山通坡各堡遂掠孟家墩箭杆嶺河北等處楊世俊救天印

率軍夾擊盡殲之

賊破秦州南韓家山堡

陝回馬士彥襲紅水永泰堡團勇擊卻之

賊襲靜甯州城剛入率民團禦之殺賊首心不閒等

先是陝回與張家川南入營謀襲靜甯剛入偵知率衆敗

賊於三集梁至是賊自尹金玉心不開僞來投誠謀作內應已保領進駐察院未幾賊隊由北峽口入高城寨蓋與城內賊黨暗通消息將欲內外夾攻義回馬某發其謀紳士邀約剛入李所部星夜馳至力擊敗之復進城誅尹金玉心不開等賊得不陷紳民感之

案輯耕錄有詩云天道廣軍殺不平不平人殺不平不平人殺不平不平者殺盡不平方太平又聞某君詩云中道廣軍殺不平不平人殺不平不平人殺不平不平者殺盡不平方太平株二詩語意相類後作尤佳但前首第三句即第二句意或欲易為不平原是難平者殺盡不平方太平此二語堪以持贈剛入

五月河州賊破秦州徽縣通渭各村堡

賊破秦州望天峽馬家店堡又陷徽縣黑林溝苟家莊新店鎮火鑽鋪老鶴岩各堡及通

渭安遠中和
莊家川各堡

幕寄祺曰隴南軍隊如林而河州賊長驅直進如入無人之境者五敵累之守壁待寇不求赴敵一敵也賊去不退得地既止故屢克巢穴而賊數不減二敵也交戰時有正兵無奇兵有實無虛有顯無伏故雖勝不能多斬擒三敵也屯壘相望此屯出戰彼屯不應使賊得以全力當我之偏四敵也逐處

設防勞力薄不能率賊而常爲賊率五敵也有此五敵蹉跎歲月挫衄威
稜自守且難又安望其進取坐視民間各村堡爲賊攻陷而不之救人之稱
斯師也者其謂之何

河州賊破通渭安遠中和鞏家川各堡

提督黃金山勇潰穆圖善招撫之

黃金山率部勇與賊戰於狄道康家崖敗績北至皋
蘭縣屬黃峪溝大肆掠穆圖善招撫之遣屯甯夏

李輝武破賊於兩當賊竄徽縣

輝武偵知河州賊馬步七千人掠成縣鄉黨兩當令所
部王名滔王隔南兩軍往勦抵楊家店遇賊擊卻之

遂擄賊壘燬其賊
目餘黨竄徽縣

華亭賊竄秦安與官軍遇遂復竄隴州

華亭賊千餘竄秦安之隴城樓及百
花川遇李輝南等官軍復竄隴州

靜甯侯十就善都統撫至通渭變回威戎鎮

侯十兄弟穿黃馬褂以
下多穿大紅長袖馬褂

慕壽祺曰同治時公家勦撫兼施往往委曲求全而人心猶囂然其不靖原聚三就撫矣
而復叛閔殿奎就撫矣而復叛侯十兄弟就撫矣而復叛是自求死也後之反復無常者

其亦知
所敵乎

吳士邁攻康坪堡賊巢克之

士邁率軍由故縣趨清水遂剿平秦安縣隴城鎮賊巢進攻康坪堡距隴城南十七里險距山腰東爲馬家寨西

爲龍山寨南爲馬家河皆南八營同匪之窺士邁督軍猛攻賊憑險力拒官軍益奮連衝四陣殺賊二百餘槍斃中賊目一乘勢截殺賊敗墜巖者無數遂克康坪堡

六月左宗棠進兵駐節涇州瓦雲驛

時劉松山由定邊趨花馬池魏光燾周紹濂劉端冕出河水甯州正甯趨環慶雷正綰黃鼎由

董志原涇州趨鎮原崇信華固原李耀南吳士邁由隴州寶雞趨秦州宗棠率親兵馬步四千至涇州令馬德順簡敬臨兩軍屯靈臺屬之土良百里鎮策應南北吳士邁李輝武至秦州連獲大捷開秦亦敗賊於伏羌馬家峴蘭州大道漸通於是以前州總兵傅先宗所統喻正祥敖天印彭忠國等二十四營分駐徽縣榆樹塢高橋李子園一帶護南路藉通進道時東路陝回多有乞撫者乃令雷正綰移營固原古城川周蘭亭進駐瓦亭以據東西要衝吳士邁李輝武湯聘珍三軍抵通渭勦除各回巢南路肅清

附錄左棠分路勦匪疏其辭曰竊兵事有一定之規模有自然之次第其先後緩急之節則必審賊勢軍情應之臣自進駐涇州以來熟察甘肅全局北自花馬池而南少西爲靈州迤南少東爲環縣又東南爲慶陽爲甯州正甯折而西南爲涇州爲靈臺迤西而包陝西河關隴州北境踰山而西爲清水又西爲秦州清水之南爲兩當與徽縣成縣東連陝境南界蜀境而甘肅東路自北而南之路始盡以地理家飛鳥之數計之不過一千三百餘里一人行之數司之則幾二千餘里此甘肅自北而南之地勢也由花馬池而西少北

爲甯夏又北爲平羅由甯夏而西南爲中衛又西爲古浪西北爲涼州涼州北爲鎮番西
北爲永昌山丹又西北爲甘肅高臺肅州迤西而南則嘉峪關此爲甘肅之北路由慶陽
而西爲鎮原爲固原州由涇州而西爲崇信西北爲平涼府又西爲隆德爲靜甯州又西
爲會甯爲安定又西北達蘭州蘭州之西北爲碾伯縣爲西甯府此爲甘肅之中路由秦
州而西爲伏羌甯遠西北爲鞏昌府又西北爲渭源又西北爲狄道州二百三十里達蘭
州秦州南爲徽成東爲清水東南爲兩當西南爲西和禮縣又南爲階州鞏昌之西爲岷
州洮州及各土司地此爲甘肅之南路以現在賊勢言之陝西逆回萃於甯夏所屬平羅
靈州中衛一帶其東窺金之賊經張曜擊之沙金托海磴口迭解阿拉善定邊重圍窮
追至廣宗寺復進逼賀蘭山距甯夏不遠宋慶又擊退鄂爾多斯及五勝札薩等旗之賊
據張曜報金順等馬步各營又已行近磴口似邊外漸可肅清劉松山全軍七月十二日
已由清湖馳抵鎮靖堡將邊後路節節布置十二日之糧向花馬池前進計此時已
抵花馬池進剿甯夏之賊北路兵力已厚似邊內亦漸可肅清南路秦州一帶河州竄同
自李輝武吳士邁兩軍擊敗後六月十九日又經甘肅軍記名提督梅開泰擊之伏羌縣北
六十里之馬家峴斬馘多餘賊全遁歸集蘭州連道漸已疏通糧圖善前此停進之餉
均已悉數提去昨接藩司崇保來緘每月官商搭幫往來駁驛或五六百或七八百甚有
轉機河州踞逆近無大股出竄糧圖善所派記名提督涼州鎮總兵傅先宗總統喻正祥
敖天印彭忠國之二十四營臣飭其分駐徽縣榆樹壩高橋李子園娘娘壩皂角鋪以護
完善之區通餉運之道俾吳士邁李耀南湯聘珍得隨時往來勦剿以速戎機似南路亦
漸有肅清之望其中路平涼府屬固原以北陝回之崎零小戶多有赴營求撫者臣飭各
地方官指荒絕地畝隨時安插馬朝清續稟陝回有急於就撫者有頑梗如故者臣仍以

分別勦撫之意示之一面朝道員魏光燾進駐慶陽提督劉端冕進駐合水以防環縣之
竄賊總兵張福齊進駐鎮原縣之蕭金鎮分駐屯子鎮西峯鎮提督丁賢雲由正甯進駐
慶陽之驛馬關以遏甯靈橫溢之賊一面調陝西提督雷正綰由平涼進駐固原之古城
川提督周蘭亭由蕭金鎮進駐瓦亭以扼南北之衝惟中路平涼一府古稱雄鎮自回匪
騷擾以來府城三次失陷官軍頻年未遑勦辦守令多寄居村落力不能制土匪甚且藉
土匪自固假以義旅之名任其蠶食村堡茹柔吐剛不辨良匪有鹽茶廳民張貴即剛八
者因忿其兄剛五枉殺之事糾聚黨夥迫脅良民竊居靜甯州莊浪縣丞轄境威戎鎮水
落城等攻破靜莊兩屬民堡五十餘處其黨侯得應攻破會甯通渭縣黃家窰各堡十七
處又攻破會甯縣東北鄉民堡四處秦安縣民堡被攻破者未知其數聚眾至二十八營
仿官軍營制旗幟器械居然齊整與鎮原匪首孫百萬遙相勾結擄掠之聲甚於逆回爲
平涼秦州一大患臣前以驛馬關有賊騎至檄黃鼎派隊勦之路過鎮原縣時出其不意
擒孫百萬解營代理鎮原知縣廖溥明亦獲其弟孫百智解審臣親提孫百萬孫百智訊
明攻破秦堡百餘殺人不計其數當即斬決傳首犯事地方示衆以伸國法而快人心張
貴聞知與其黨謀變益急臣前次欽奉寄諭都察院奏工部員外郎王夢熊遣抱以賊圍
緊急等詞赴該衙門呈訴左宗棠督師入關著即查明該處如有賊匪竄擾即行派兵勦
洗以靖地方原呈著抄給閱看欽此臣欽奉之下詳察張貴罪狀尙有王夢熊所未及者
此賊不除各屬殘黎難堪毒害且所擾之靜莊會甯各境本蘭州中大道秦安又蘭州東
南孔道均未容稍有梗阻其地居甘肅南北之中甯靈之同與河狄之同往來勾結不由
莊靜即出秦安將欲南北分馳掃除餘孽而土匪從中作梗餉道堪虞若待駐軍防勦徒
分兵力臣現調黃鼎率所部八成隊伍由空同化平川徑擣莊浪所轄威戎鎮賊巢並調

營務處前衢州鎮總兵簡敬臨由靈喜出崇信經馬頰口以擣水洛城賊巢調駐秦州之
員外郎銜中書吳士邁道員李耀南湯鳴珍等撥所部進秦安清水會剿防賊南竄並搜
勦踞秦安神略河另股回匪如能迅速藏事則蘭州東西一律肅清省垣僅防河州之賊
無須重兵其黃鼎仍回軍平涼進固原會同雷正綰進勦甯靈一帶回匪秦州之軍進勦
河狄回匪而甘肅大局可期復振此微臣度隴規畫調度由東而西之大略也穆圖善前
催臣進涇州接篆奉有諭旨昨復欽奉寄諭飭臣進紮秦州接篆比准穆圖善絨咨又已
具摺請旨竊維臣由關度隴必由中路本一定之局以形勢言之北可聯絡甯靈慶固南
可聯絡鞏秦東可屏蔽秦川西可直達皋蘭也以兵事言之北路劉松山定邊花馬池之
軍距涇州雖僅數百里然兵燹之後郵傳不通文報往來必須從延安繞遞已非兼旬不
能達臣接劉松山緘牘又須酌量調度行知北路中路諸軍展轉還回已虞貽誤若再移
駐秦州則山谷間隔而往返更多千有餘里尤覺聲息難通况當勦撫兼施之際隨時因
應事變未可預知臣駐軍適中之地尙可就近料量相機應之若移駐秦州偏於南路不
但北路阻隔即中路亦連掉不靈似於大局所關非小且隴中頻年軍事之誤由於置平
慶涇一道不顧專就秦安一綫餉道爲苟安之計致匪回縱橫生民荼毒如此夫豈不曰
餉絀時難宜緩匪而急回也又豈不曰宜先固根本通運道習支危局也而其效已可觀
臣若舍涇州而進秦州局勢何以異此人之議臣者必且謂知有穆圖善而不知有國事
知有蘭州而不知有陝甘臣雖百喙何能辭咎此臣所爲反覆籌維罔知改措者也且以
地理遠近言之由涇州至蘭州一千零二十里由涇州繞秦州至蘭州一千一百六十里
本無庸舍近而就遠而以賊勢言之秦州無賊靜甯莊浪有賊臣未可避勞而就逸如果
此路事機順利臣當由涇州大道進平涼以赴蘭州縱或蘭州有急臣檄南路秦州各營

是役也銘軍不
先期出師則不
敗既敗無銘軍
教之則必銘軍
死矣而銘軍銘

爲迎勦之師檄中路平涼各營爲橫擊之師似亦易有把握是否如斯之處伏候訓示至
督篆交卸遲速之宜一聽糧圖善酌量陳奏要之甘肅兵事臣斷不敢居功如有疏失亦
斷不以未接督篆談過糧圖
善合併聲明謹據實馳陳

左宗棠檄雷正綰移營固原古城川周蘭亭進駐瓦亭以據東西要衝

時東路
陝回多

有乞撫者宗棠乃令正綰移營古城川蘭亭進駐瓦亭
吳士邁李輝武湯聘珍三軍抵通渭勦除逆回餘孽

兩江總督曾國藩奏派提督劉松山入關隨左宗棠勦寇

先是同治五年西北回
黨四擾浙江提督一等

子鮑超疊奉廷旨及大帥疆吏急檄趣令帥建軍三十二營西入潼關勦陝甘回匪因東
捻死昨不休楚軍新敗軍遂爲所絆不得西時捻匪僞魯王任柱僞連王賴汶光僞荆
王牛洪僞衛王李允等糾合馬步精銳由河南趨湖北緣途驅脅衆號十萬盤旋德安
陸之間於是建軍暫緩入關與直隸提督銘銘軍統領劉銘傳分路進勦十二月賊將北趨
遇建軍折而南遁復踞白口六年春正月建軍銘銘軍會於安陸賊走踞楊家埠尹隆河等
處當是時賊首任柱勢最強雲翔風馳勁疾慄悍嘗以前除挑戰別選健卒繞出官軍後
路以攻之去歲十二月辛卯提督郭松林爲賊所敗丙午樹軍統領張樹勳復戰死於楊
家河官軍畏避其鋒輒憑村堡自固超與銘傳謀會勦以雪恥期以正月庚午辰刻同時
進軍夾擊而銘傳竟於庚午日卯刻先期出師由下洋港逼尹隆河賊隊手在隔岸銘傳
分五營留設輜重躬率馬步十五營渡河蹙之任柱以馬隊撲左軍牛洪撲右軍賴汶光

宋利無當策
臣策無所將
不君其命有
此其也顧筆
成此福乘筆
成主張公遠
就之宛可以

曾銘軍所軍
懷任銘軍所
所任銘軍所
放軍者文光
軍是時賊勢
任強弱其勢
萬超自奏之
萬超自奏之

李允合撲中軍左軍劉成藻五營先遇賊騎不能支敗退渡河任柱來攻中軍甚急惟右
軍唐殿魁擊退牛洪來援中軍中軍亦已敗退矣羣賊萃於右軍唐殿魁及其營官吳維
章田履安等力戰死之殿魁銘軍之良也師大奔賊益縱渡河追擊銘軍崩潰適逢軍以
辰刻由白口踐期而來勢如風雨張兩翼以蹴賊酣戰良久呼聲震一餘里大敗賊衆刻
毀楊家塔拖船埠尹隆河賊館數百生擒老賊八千有奇殺賊萬餘奪獲驛馬五千餘匹
救拔銘傳及劉成藻等於重圍之中暨銘軍將士二千人奪還銘軍所失洋槍四百桿號
衣數千件一切輜重軍械及劉之紅頂花翎俱於次晨途還銘軍營中即拔隊追賊連登
之於直河於豐樂河於襄河邊殺賊一萬數千生擒四千解散脅從萬餘拔出難民二萬
繁任柱賴汝光李允之妻追至棗陽唐縣界在超自念破潰賊救銘軍出險功高費邀褒
獎爲榮塗次忽奉嚴飭方悟銘傳之諱敗爲勝以怨報德顛倒是非一至此極憤鬱成疾
引發舊傷奏請罷歸調理曾國藩檄召總兵婁雲慶乘輪船駛往接統霆軍又奏請解超
浙江提督遺撤霆軍十八營留十四營改爲遠峻軍隨准軍勦賊養痾家居兵符既解別
遣湘軍大將
劉松山入關

案薛福成筆記云尹隆之役鮑武襄公超既攻敗賊首任柱救出劉公銘傳
及營官幕僚等二千餘人若無幾微德色劉公內慚不可言自以警警霆軍
久超運擊賊一敗一勝慮爲霆軍所笑益恚不能自釋謀之主文案者具牘

報大帥合肥李公

即李鴻章

大旨請霆軍既約黎明擊賊未能應時會師銘軍孤

進初獲小勝忽後路驚傳有賊隊伍稍動不知實霆軍也我軍抽五營過河

還保輜重賊乘瑕來撲以致大敗我軍復奮與相持會合霆軍迎擊遂獲全

勝李公據以入告者如此蓋歸咎他營歸功本營固咸同間用兵以來數十

年之積習不獨銘軍爲然李公之右銘軍左霆軍亦事勢所必至李公新握

兵符亦頗慮鮑公不秉節度鮑公疏陳獲勝狀并據實咨報李公李已先入

劉公言幕府執筆者又稍有揚抑軍機大臣左都御史汪公元方

字蕭庵六年冬暴卒

謂鮑超虛張戰功言盡不實彼既愆期貽誤又驚動銘軍以致大敗若科以

失機與掩飭之罪鮑超可斬也先是左文襄公嘗密疏言鮑超驕橫已而折

之左公方將入關剿回寇屢請廷旨趣霆軍入關其意蓋欲朝廷稍摧折之

然後羅爲己用也汪公不省左公權略頗篤信其辭又不知鮑公實有大功也

慕壽祺曰嘉道而後楊遇春

陝甘總督

羅思舉鮑武襄接踵而起蜀之將才何其

盛哉然鮑起自寒微孤立於湘淮兩大軍之間功成名就不早退休卒爲劉銘傳所陷鬱鬱不得志以死死後川督某復嗾其姪出而爭產致令爵夫人觸棺以殉清之待功臣也可謂薄矣而劉松山戰死於吳忠堡其亦可哀也已

湘軍統領劉松山由陝北向靈州前進以董字三營爲嚮導

先是同治七年甘肅歲大饑而蘭東爲尤

其福祥所統民團二十餘萬皆饑民耳日圖一餐而不可得遂輾轉至陝北綏德州等處綏德地瘠民貧一旦增加廿餘萬人實無力以供給則又分駐米脂靖邊定邊等縣定邊與靈州之花馬池犬牙相錯就食甯夏當不爲難正籌畫間松山由陝北經過張後曰我輩練團爲賊所迫耳遭逢歲旱流落至此殺賊之謂何又因以擾民後世其誰能諒之頃

聞劉提督奉命援甘旦夕至此曷往投焉董福祥遂至湘軍請降福祥人甚樸誠可用以爲鄉導惟攜帶團勇至二十餘萬之多用之則皆兵棄之則從賊歲旱餉艱勢又不能盡用也則莫如精擇而少用於是編練成軍號爲董字三軍福祥將中營張俊將左營李雙梁將右營每營約今兩團之數餘皆給賞遣散家屬則留綏德州從此隨大軍向古靈武進發

案古靈武縣有三一爲漢縣在甯夏府甯朔縣西北地理志屬北地郡後漢省段熲傳建甯元年熲追羌及於靈武谷章懷太子注靈武縣名有谷在今懷遠縣西北一爲隋縣在今平羅縣東北界卽漢渾懷障一爲唐縣在靈州西北卽水經注所謂胡城也元和志靈武縣東南至靈州十八里後魏破赫連昌收胡戶徙此因名寰宇記唐武德五年移舊靈武縣於此今廢劉松山所至之古靈武當在鐵柱泉附近

慕壽祺曰古之行師者多用土人風土所習也服食所便也道途險易所諳也自賊起隴上健兒雄傑有膽氣糾衆抗賊者狄河有黑勇皋蘭人范銘統之靜甯有劉勇隴東人張貴統之其成就皆不及董福祥夫董軍之善戰在當時實不如黑勇有幸有不幸者亦視其所從之主何如耳

秋七月陝回攻中衛縣城黃開榜救之賊退

先是陝回攻破勝金關駐雷家沙窩距中衛四十五里時擾中衛東關已焚燬

縣城危如累卵正在相持間有提督黃開榜者奉將軍穆圖善令遣屯甯夏乃率狄道康家崖潰敗之兵由靖遠乘木筏順河而下至中衛城外之頭塘灘地在中衛正南川盤踞